

Պատանիների համար նամակագրության միջազգային մրցույթի կանոնները

1. Նպատակը

Նամակագրության միջազգային մրցույթն ունի հետևյալ նպատակը. բարելավել գրագիտությունը նամակ գրելու արվեստի միջոցով: Ամենամյա կայանալիք երեխաների և պատանիների համար նախատեսված մրցույթը խրախուսում է մասնակիցներին արտահայտել իրենց ստեղծագործական հմտությունները և կատարելագործել լեզվական ունակությունները: Արհեստական բանականության օգտագործումը թույլատրված չէ:

2. Մասնակցություն

Մրցույթին կարող են մասնակցել 9-ից 15 տարեկան մասնակիցներ, իսկ միջազգային մրցույթի դիմումների ներկայացման վերջնաժամկետը տարիքային սահմանափակման վերջնաժամկետն է: Սա նշանակում է, որ այն մասնակիցների նամակները, որոնց 16 տարին լրանալու է մինչև 2026 թվականի մայիսի 5-ը, կմերժվեն, մինչդեռ կընդունվեն այն մասնակիցների նամակները, որոնց 16 տարին լրանալու է 2026 թվականի մայիսի 5-ին կամ դրանից հետո:

ՀՓՄ Միջազգային բյուրոն չի ընդունի անմիջապես դպրոցների կամ մասնավոր անհատների ուղարկած շարադրությունները:

3. Մրցույթի կազմակերպումը և հաղթողների ընտրությունը

Մասնակից երկրներից յուրաքանչյուրը պետք է նամակագրության մրցույթ կազմակերպի իր տարածքում, նախընտրելի է՝ ազգային կրթական մարմինների աջակցությամբ:

Կազմակերպող մարմինը պետք է ընտրի լավագույն շարադրությունը՝ մրցույթի ընդհանուր կանոններին համաձայն:

Մասնակից անդամ յուրաքանչյուր երկիր իր լավագույն շարադրությունը անհրաժեշտ բոլոր փաստաթղթերի հետ միասին պետք է մինչև հաջորդ տարվա **մայիսի 5-ը** ուղարկի Միջազգային բյուրո: Յուրաքանչյուր երկիր կարող է ուղարկել միայն մեկ շարադրություն:

Յուրաքանչյուր հայտը պետք է ընդգրկի հետևյալ փաստաթղթերը.

- ա) հայտի լրացված ձևը;
- բ) Բնօրինակ նամակը հետևյալ ֆորմատներով.
 - Ձեռքով գրված բնօրինակի (եթե առկա է) բարձր որակի տեսածրում (scan) PDF ֆորմատով;
 - և
 - MS Word ծրագրով վերարտադրված շարադրություն;
- գ) Շարադրության թարգմանությունը անգլերեն և/կամ ֆրանսերեն լեզուներով, MS Word ծրագրով վերարտադրված,
- դ) Թեկնածուի բարձրորակ լուսանկարը,

- JPEG ձևաչափով (առնվազն 300 dpi), կամ
- որպես տպված պատճե (խնդրում ենք չկպցնել կամ սոսնձել լուսանկարը որևէ փաստաթղթին փոստով ուղարկելու դեպքում):

4. Հայտերի ներկայացման կարգն ու բովանդակությունը

Հայտերը պետք է խստորեն պահպանեն թեման և չպետք է գերազանցեն բնօրինակի լեզվով 800 բառի սահմանը:

5. Ժյուրիի նշանակումն ու արդյունքների հրապարակումը

ՀՓՄ Միջազգային բյուրոն պատասխանատու ժյուրի կնշանակի՝ ընտրված նամակները գնահատելու համար:

Հաշվի են առնվելու հետևյալ չափանիշները՝

- նամակի կառուցվածքը (պարզություն և կազմակերպվածություն, ներառյալ գաղափարների տրամաբանական հոսքը, լավ կառուցված պարբերությունները և նամակագրության ստանդարտ տարրերի, ինչպիսիք են ողջույնը, հիմնական մասը և եզրափակիչը, համապատասխան օգտագործումը):,
 - թեմայի պահպանումը,
 - ստեղծագործական միտքը,
 - լեզվի օգտագործումը:

Ժյուրին կընտրի լավագույն երեք հայտը (առաջին, երկրորդ և երրորդ տեղերը), և այն կարող է նաև առանձնացնել այլ շարադրություններ, որոնք կարժանանան հատուկ հիշատակության:

Ժյուրիից արդյունքներն ստանալուն պես Միջազգային բյուրոն ողջամիտ ժամանակահատվածում ծանուցում է մասնակից բոլոր երկրներին հաղթողների անունների վերաբերյալ:

6. Մրցանակներ

Լավագույն հաղթողները կստանան հատուկ մեդալ (ոսկի՝ առաջին տեղի համար, արծաթ՝ երկրորդ տեղի համար և բրոնզ՝ երրորդ տեղի համար), ինչպես նաև վկայական և այլ նվերներ՝ նախատեսված ՀՓՄ-ի կողմից:

Ոսկե, արծաթե և բրոնզե մեդալակրերին կարող է նաև Շվեյցարիայի՝ Բերնի ուղեգիր շնորհվի, որտեղ գտնվում է ՀՓՄ-ի գլխամասը, կամ այլ ավտերնատիվ մրցանակ, որը կորոշվի ՀՓՄ-ի կողմից: Եթե որպես մրցանակ առաջարկվում է ՀՓՄ գլխավոր գրասենյակ ուղևորություն, ՀՓՄ-ն կհոգա միայն.

- ճանապարհածախսը (մասնակցի ծագման երկրից դեպի ՀՓՄ և հետադարձ), և

• հաղթողի և նրան ուղեկցող մեկ մեծահասակի համար միջոցառման ողջ ընթացքում կացության ծախսերը:

Մանդի և մանր ծախսերի համար օրական ծախսերը չեն հոգում ՀՓՄ-ն և պետք է պլանավորվեն անդամ երկրների մրցույթի կազմակերպիչների կողմից կամ կկատարվեն ընտանիքների հաշվին:

Հատուկ հիշատակության արժանացած մասնակիցները կստանան վկայական:

7. Հրապարակում

ՀՓՄ Միջազգային բյուրոն հասարակայնության հետ կապերի ոլորտում միջոցառումներ կձեռնարկի՝ մրցանակակիրների, նրանց երկրների և առհասարակ նամակագրության մրցույթի հնարավորինս լայն գովազդումն ապահովելու նպատակով:

Մասնակից երկրները պետք է ձեռնարկեն անհրաժեշտ բոլոր քայլերը իրենց մոտ մրցույթն ու իրենց մրցանակակիրներին գովազդելու համար: